

DAFTAR II

LANDASAN TEORI

Pembincangan dalam bab ini ialah tentang apa yang dijadikan landasan dalam penulisan ini. Perkara-perkara yang akan diuraikan ialah mengenai pengertian masjid, sejarah awal pembinaaan masjid, tentang masjid taqwa dan masjid dhurrah, juga tentang kegiatan-kegiatan masjid di zaman Rasulullah.

A. Pengertian Masjid

Masjid berasal daripada perkataan Arab yang diambil daripada (سجد) sajada (سجد) yang bermaksud telah sujud. Kemudian dimasukkan awalan 'م' menjadikan اسم مكان (مسجد) dengan maksud tempat sujud. Jadi dari segi bahasanya masjid membawa erti 'tempat sujud menyembah Allah'.¹

Menurut kamus Al-Munjid, sekiranya kita membaca (سجد) sajada, ia bermaksud 'seorang yang menundukkan mukanya sehingga bersentuhan dengan tanah ketika sujud'. Perlakuan ini menunjukkan sifat merendah diri

¹ Muhammad Abdullah Al-Zarkasyi, *Al-Funun al-Sajid bi Ahkam al-Masajid*, Muhammad Taufik Uwardah, Qahirah: 1385 hal. 26.

seorang hamba yang lemah kepada Tuhannya Yang Maha Agung Sementara

(مسجد) pula ialah tempat sujud itu sendiri ²

Manakala dari segi istilah masjid membawa arti 'tempat yang dilakukan sujud padanya'. Menurut pertellahan syarak, kata masjid bererti seluruh tempat di bumi ini.³ Hal ini jelas dari apa yang diperkatakan oleh Al-Zujaj,⁴ bahawa semua tempat yang dilakukan ibadat solat padanya dipanggil masjid, berdasarkan kepada hadis Rasulullah (s a w) yang berbunyi:

جعلت لي الارض مسجدا وطهورا

Artinya:

"Telah dijadikan bagiku bumi itu masjid dan bersih" ⁵

Dari hadis di atas, jelas bahawa sujud atau ibadah kepada Allah itu tidak terbatas kepada suatu tempat yang khusus, sepertimana agama Kristian menetapkan tempat ibadahnya di gereja, malah Islam membolehkan umatnya mengerjakan ibadah solah di setiap penjuru bumi, baik di mana saja mereka berada.

² Al-Munqid fi al-Lughah, cet. 20, Dar al-Masyruq, Beirut 1986, hal

³ Muhammad Abdullah al-Zarkasyi, Op. Cit., hal. 27

⁴ Ibn. al-Manzur, Jamaluddin Muhammad bin Mukram., Lisan al Arab, Juzu' 3, Beirut 1968, hal. 24.

⁵ Abi Daud Sulaiman bin al-Asy'as al-Syajastani al-Azdi, Sunan Abu Daud, Juzu' 1, Dar Ihya' al-Sunnah Al-Tabawiyah, 11, hal. 32.

Menurut Qadhi Iyadh, dijadikan seluruh permukaan bumi ini suci hanya khusus untuk umat Nabi Muhammad sahaja, sedangkan bagi umat yang terdahulu, mereka tidak boleh mengerjakan solat melainkan di tempat yang mereka yakin akan kesuciannya.⁶

Seseorang itu dikatakan sujud apabila dia menundukkan kepalanya dan melipatkan badannya ke bumi.⁷ Geraklaku ini merupakan semulia-mulia perbuatan di dalam sembahyang, sebagai titik pendekatan hamba kepada Tuhannya.⁸ Justeru kerana itulah tempat sembahyang itu dinamakan masjid yang berasal dari perkataan sujud.

Dalam sujud itu jugalah orang akan merasakan kelemahan dan ketiadaan dirinya berhadapan dengan kekuasaan dan keagungan Allah (s.w.t), menghampirkan seluruh jiwa kepada Allah yang menciptakannya. Allah berfirman:

واحدوا فيه

Ertinya:

"Sujud dan dekatkanlah dirimu kepada Allah"⁹

Rasulullah (s.a.w) juga ada bersabda:

⁶ Dr. Su ad Mahir Muhammad, Masjid Misti Wa Auliya uba al Salihin, Juzu' 1, Muhammad Taufik Uwaidah, Qahirah, 1975 hal. 30

⁷ Abd. Wahab Hamudah, 'Fathul Masjid A'la Al-Thaqafi al-Islamiyah', Buath Mukhtar Risalah al Masjid, Dar ul-ukar li Al-Tabaah Wa an-Nashr, Jeddah: t.t. hal. 371

⁸ Dr. Su ad Mahir Muhammad, Op Cit

⁹ Al-Quran, Surah Al- Alaq, 96:19

أقرب ما عدون العبد من ربه وهو ساجد

Artinya:

"Sehampir-hampir seorang hamba dengan Tuhannya ialah ketika ia berada di dalam sujud".¹⁰

Dari perbincangan mengenai takrif masjid tadi, dapatlah disimpulkan bahawa masjid dalam Islam mempunyai pengertian yang amat luas. Ianya tidak hanya terbatas kepada satu bangunan yang khusus, bahkan ia merangkumi seluruh bumi ini. Namun begitu, di dalam perbincangan seterusnya penulis hanya akan menumpukan kepada aspek pengertiannya sebagaimana yang difahami oleh masyarakat, iaitu sebuah bangunan khusus yang dijadikan sebagai tempat beribadah.

ii Sejarah awal pembinaan masjid.

Membicarakan tentang sejarah awal pembinaan masjid, penulis hanya akan memberikan tumpuan kepada tiga buah masjid sahaja, iaitu Masjid al-Haram di Mekah, Masjid an-Nabawi di Madinah dan Masjid Al-Aqsa di Baitul Muqdis. Ini adalah memandangkan kepada kepentingannya dalam Islam berpandukan kepada hadis Rasulullah (s.a.w) yang berbunyi:

¹⁰ Al-Imam Abi al-Hussein Muslim bin al-Hajjaj, Sahih Muslim, Dar al-Ihya' al-Kutub al-A'rabiyyah, Damsyik: 1974, hal. 184.

هذه الرحال الاثنته مساعد المحرم الحرام

والمحرم القصر ومحدى

Ertinya:

"Tidak dianjurkan untuk mengadakan perjalanan kecuali kepada tiga masjid. Masjid al-Haram, Masjid al-Aqsa dan masjidku (Masjid an-Nabawi)"¹¹

1. Masjid Al-Haram.

Masjid Al-Haram merupakan masjid paling suci dan bersejarah di dalam Islam. Kedudukannya di tengah-tengah tanah haram di kota Mekah, di atas sebidang tanah yang telah disediakan oleh Allah (s.w.t), sejak menciptakan tujuh petala langit dan bumi.¹² Ia merupakan masjid pertama yang dibangun untuk umat manusia. Hal ini dijelaskan oleh Allah (s.w.t) dengan ilmunya.¹³

ان اول بيت وضع للناس للذي ببكة مباركا

وهدى للعالمين

¹¹ Abi Abdullah Muhammad bin ismail Al-Bukhari, Saluh Bukhari, Juzu' I, Dar Ihya' Al-Kutub Al-Arabiah, Damsyik, t.t. hal. 207.

¹² K.H.M. Ali Usman, Pelanggaran Kesucian Masjidil Haram, cet. 1, Bulan Bintang, Jakarta, 1979, hal. 140.

¹³ Al-Quran, Surah Al-Imran, 3:95.

Ertinya:

"Sesungguhnya rumah yang mula-mula dibangun untuk (tempat ibadat) manusia, ialah Baitullah di Mekah yang diberkati dan menjadi petunjuk bagi sekalian manusia"

Kepentingan dan keistimewaaninya tidak dapat dinafikan lagi, kerana di tengah-tengah masjid inilah terletaklah Kaabah yang menjadi kiblat bagi seluruh umat Islam di seluruh dunia. Di samping itu, ia juga menjadi tempat tumpuan umat Islam untuk menunaikan ibadat haji.

Nabi Adam adalah merupakan manusia yang pertama sekali melakukan pembinaan ke atas Kaabah, diteruskan oleh Nabi Syith dan kemudiannya dibenpuhkan sehingga ia muncul sebagai rumah suci Allah dan pusat peribadatan dalam Islam, sebagai lambang persaudaraan manusia oleh Nabi Ibrahim dan anaknya Nabi Ismail.¹⁴ Allah berfirman di dalam kitab suciNya:

وَأَرْسَلْنَا إِبْرَاهِيمَ وَإِسْمَاعِيلَ
وَأَسْمَاعِيلَ رُسُلًا أَنْ يَبْنُوا
الْبَيْتَ الْحَرَامَ

¹⁴ Abochakar H. Sejarah Masjid, Toko Buku Fa. Adil & Co., Jakarta, 1955, hal. 27.

Ertinya:

"Dan ingatlah ketika Ibrahim meninggikan (membina) dasar-dasar Baitullah bersama Ismail (terasa berdoa, Ya Tuhan kami terimalah daripada kami (amalan kami), sesungguhnya Engkau (Allah) Maha Mendengar lagi Maha Mengetahui" ¹⁵

2. Masjid An-Nabawi

Terletak di tengah-tengah kota Madinah, kedudukan dan tarai Masjid An-Nabawi ini adalah yang kedua selepas Masjid Al-Haram di Mekah. Sejarah pembinaan masjid ini sangatlah menarik. Tanda-tanda ketistimewaaninya jelas terlihat pada peringkat sebelum ia dibina lagi, di mana tempat yang dipilih sebagai tapak masjid itu sendiri adalah melalui wahyu dari Allah (s.w.t), yang disalurkan melalui gerak-geri unta kenderaan Rasulullah (s.a.w),¹⁶ ketika pertama kali tiba di Madinah, iaitu selepas membina masjid di Quba¹⁷ yang menjadi masjid pertama dibina di dalam kurun Islam.

Peristiwa menarik ini berlaku apabila penduduk Madinah, masing-masing berlumba-lumba mengundang Rasulullah (s.a.w) agar singgah di rumah mereka. Lalu, untuk berlaku adil, Rasulullah telah melepaskan unta baginda berjalan untuk menentukan tempat persinggahan baginda. Unta itu akhirnya

¹⁵ Al-Quran, Surah Al-Baqarah, 2:127.

¹⁶ Hj. Zainal Ariffin Abbas, Sejarah Dan Perjuangan Nabi Muhammad, Jilid III, cct. 1, Pustaka Antara, Kuala Lumpur, 1970, hal. 245.

¹⁷ Hj. Aboebakar, Op. Cit., hal. 11.

berhenti di suatu tanah lapang, berhampiran dengan rumah Abu Ayyub Al-Ansari. Tanah lapang yang diberkati Allah itu adalah kepunyaan Sahil dan Suhail bin Amru, dua orang anak yatim dibawah jagaan Muar bin Ufa' Rasulullah telah membayar sepuluh dinar untuk tanah tersebut, meskipun ditawarkan untuk diberi percuma atas dasar cinta yang mendalam terhadap baginda.

Tanah itu sebenarnya merupakan suatu lapangan tempat menjemur buah kurma. Di situ terdapat beberapa pohon kurma, runtuhan rumah dan bekas kuburan orang-orang Jahilliah.¹⁸ Lapangan ini kemudiannya dibersihkan dengan menebang pokok-pokok dan belukar serta menibungkar kubur-kubur tersebut dan tulang-tulanginya dipindahkan dari situ

Pembinaan masjid ini berlaku pada tahun 1 Hijrah¹⁹ dengan kerjasama antara kaum Muhajirin dan Ansar. Rasulullah juga telah menunjukkan suatu sikap dan contoh yang baik dengan turut sama melibatkan diri, bergotong royong dengan mereka. Kerja-kerja pembinaan masjid ini tidak terlalu menyukarkan kerana ia adalah sebuah binaan yang sederhana, yang hanya merupakan sebuah lapangan empat persegi dengan ukuran 35 meter dari selatan ke utara dan 30 meter dari timur ke barat. Dindingnya diperbuat daripada tanah

¹⁸ Abi Al-Fada' Ismail bin Kathir, Al-Sirah An-Nabawiyah Juzu' II, Dar Al-Ma'rifah, Beirut, 1976, hal. 303

¹⁹ Abdul Quddus Al-Ansari, Al-Harur Madinah Al-Munawwarah, cet. 3, Maktabah Al-Salafiah, Madinah, 1973, hal. 104.

lilat, 20 manakala liang dan atapnya daripada batang dan daun tamar yang dicampur dengan tanah liat. Sebahagian bumbungnya dibiarkan terbuka.

Masjid ini mempunyai tiga buah pintu. Pintu-pintu itu ialah Pintu Jibril, Pintu An-Nisaa' dan Pintu Rahmah. Pada malam hari masjid ini hanya diterangi oleh cahaya dari pembakaran rumput-rumput kering.²¹ Dan iapun hanya pada waktu sembahyang layak sahaja.

Kesederhanaan masjid An-Nabawi ini digambarkan oleh Al-Ustadz Syaikh Al-Khudri Bey dengan katanya:

"Bahawa masjid di zaman Rasulullah adalah dalam keadaan yang sangat sederhana benar, bukan sebagaimana yang biasa diperbuat orang pada abad-abad kebelakangan ini, sebab himmah (likuran dan semangat) Rasul dengan sekalian sahabatnya tertumpah untuk mengusahakan menghisab kebatilan orang banyak umumnya dan memberalikannya daripada pengaruh-pengaruh syaitan dan keadaan yang seperti itu menyebabkan perhatian orang untuk menghisab yang lalu itu berkurang."²²

²⁰ Fazi Ahmad, Five Heroes Of Islam, Khutub Khanah Issayat Al-Islam, India: 1978, hal. 56.

²¹ Hj. Zainal Aniffin Abbas, Op. Cit., Hal. 252.

²² Ibid., hal. 245.

3. Masjid Al-Aqsa

Terletak di bandar Baitul Maqdis, Palestin ia merupakan salah satu daripada masjid-masjid suci dan bersejarah yang diutamakan mengurgungi dan menziarahinya. Masjid ini penting tidak hanya bagi orang Islam, bahkan bagi orang-orang Yahudi dan Maschi. Ini adalah kerana kedudukannya di tempat yang suci dan bersejarah bagi mereka.

Masjid Al-Aqsa ini merupakan salah satu masjid yang tertua di dunia. Ia terkenal dalam sejarah didirikan oleh Nabi Sulaiman, sebagaimana Masjid Al-Haram terkenal didirikan oleh Nabi Ibrahim dan anaknya Nabi Ismail.

Masjid Al-Aqsa membawa erti masjid terjauh, kerana ia terletak jauh dari Masjid Mekah. Dan ada juga yang berpendapat ia dinamakan demikian kerana ia menjauhkan seseorang dari dosanya.²³

Kemasyhuran masjid ini juga kerana ia pernah menjadi kiblat pertama bagi umat Islam di zaman permulaan Islam. Namun arah kiblat ini kemudiannya telah ditukar apabila timbul cemuhan dan ejekan dari orang Yahudi dan Nasrani yang mendakwa Rasulullah dan pengikutnya sembahyang menghala ke kiblat mereka (Baitul Maqdis). Keadaan ini membuktikan kebenaran agama mereka, lantas mereka menganjurkan Rasulullah dan pengikutnya masuk agama mereka.²⁴

²³ Hj. Abochakar, *Op.Cit.*, hal 43.

²⁴ Hj. Ibrahim Embong, "Kaabah dan Sejarah Pembangunannya", *Dakwah*, bil. 36, Yayasan Dakwah Islamiah, Kuala Lumpur, Feb. 80, hal. 13.

Renietan dari peristiwa tersebut, Allah telah menurunkan wahyuNya agar Rasulullah mengubah kiblat bagi umat Islam ke arah Masjid Al-Haram, dengan firmanNya:

قد سررنا نقول ومهيك في السما فقلوا ايمنك
فقله نرجها قول ومهيك عطر المسجد الحرام
وميت ما كنتم قولوا وموهتم عطره

Bertinya:

"Kerap kali kami melihat engkau (wahai Muhammad) berulang-ulang menengadahkan ke langit, maka sungguh kami akan memalingkan kamu ke kiblat yang kamu sukai, maka palingkanlah mukamu ke arah Masjidil Haram dan di mana saja kamu berada palingkanlah mukamu ke arahnya."-25

Meskipun hari ini, Masjid Al-Aqsa sudah tidak lagi berfungsi sebagai kiblat bagi umat Islam, namun tanya tetap mempunyai kemuliaan dan kehormatan di sisi Allah (s.w.t) sebagaimana sabda Rasulullah:

الصلاة في المسجد الحرام بمائة الف صلاة
والصلاة في مسجدى بمائة الف صلاة والصلاة في
بيتي المقدس بمائة الف صلاة

Ertinya:

"Satu sembahyang di Masjid Al-Haram (Mekah) bersamaan dengan seratus ribu kali sembahyang dan satu sembahyang di masjidku (Masjid An-Nabawi di Madinah) bersamaan seribu kali sembahyang dan satu sembahyang di Baitul Maqdis (Masjid Al Aqsa) bersamaan dengan lima ratus kali sembahyang" 26

Di samping itu, di masjid inilah juga berlakunya peristiwa Isra' Nabi Muhammad pada suatu malam dan sebagai tempat berlepasnya Nabi Muhammad ke langit (Mikraj) untuk menerima satu amanah dari Allah satu sembahyang. Allah menjelaskan hal ini dengan firmanNya:

سُبْحَانَ الَّذِي أَسْرَى بِعَبْدِهِ لَيْلًا مِنَ الْمَسْجِدِ
الْحَرَامِ إِلَى الْمَسْجِدِ الْأَقْصَى الَّذِي بَارَكْنَا
حَوْلَهُ لِنُرِيَهُ مِنَ السَّمَاءِ هُوَ الْمَشْرِقُ
الْمَغْرِبُ

Ertinya:

"Maha suci Allah yang telah menjalankan hambaNya (Muhammad) pada malam hari dari Masjidil Haram (di Mekah) ke Masjidil Aqsa (di Palestin) yang kami berkati sekelilingnya untuk kami perlihatkan kepadanya sebahagian dari tanda-tanda (kekuasaan dan kebesaran)

26 Al-Imam Muhammad bin Ismail Al-Amir Al-Yamani Al-Sa'ani, Subul al-Salam, Juz' 1-2, Maktabah Athif, Al-Azhar, Lt. hal. 260.

kami. Sesungguhnya Allah jumlah Yang Maha Mendengar lagi Maha Melihat". 27

Disebabkan oleh adanya pertalian dengan peristiwa penting dan berjarah itu juga, maka masjid ini terkenal di kalangan umat Islam.

C. Masjid Taqwa dan Masjid Dhurar

1. Masjid Taqwa

Masjid Taqwa ialah masjid yang dibina di atas dasar taqwa, yakni tidak ada tujuan lain di dalam pembinaan masjid tersebut melainkan untuk bertaqwa kepada Allah Taala. Sehubungan dengan ini, Allah (s.w.t) berfirman di dalam kitab suciNya:

لَا تَقُمْ فِيهِ إِذَا بُدئَ السَّعْيُ مِنْ
أَوَّلِ يَوْمٍ أَحَدٍ مِنْ يَوْمٍ فَتَعْلَمُ فِيهِ مَا لَمْ
يَعْلَمِ السَّاعِدُونَ وَاللَّهُ يَجِبُ الْمَطْهُرِينَ (١٠٨)
أَقِمِ الصَّلَاةَ عَلَى نَفْسِكَ مِنَ اللَّيْلِ وَمِنْ
السَّجْدِ مِنَ الصُّبْحِ إِلَى عِشَاءٍ وَخِطِّبْ
بِهِمْ نَارَ مَكَّةَ وَاللَّهُ لَا يَهْدِي الْقَوْمَ الظَّالِمِينَ

Ertinya:

"Janganlah engkau mendirikan sembahyang di masjid itu selama-lamanya kerana sesungguhnya masjid (Quba) yang engkau bina wahai

Muhammad) yang telah didirikan di atas dasar taqwa dari mulai (wujudnya) sudah sepatutnya engkau sembahyang pedanya. Di dalam masjid ini ada orang lelaki yang muka membersihkan dirinya dan Allah mengasihi orang-orang yang membersihkan diri mereka (zahir dan batin). Maka apakah orang-orang yang membangunkan masjid yang didirikan di atas dasar taqwa kepada Allah dan (untuk mencari) keredhaan Allah itu lebih baik ataukah orang yang membangunkan masjid yang didirikan di tepi jurang yang (hampir) runtuh, lalu runtuhlah ia bersama dengan orang yang membangunkannya ke dalam api neraka? Dan (ingatlah) Allah tidak akan memberi hidayah kepada orang-orang yang zalim." 28

Di dalam ayat di atas Allah (s.w.t) telah menegah Rasulullah (s.a.w) dari mendirikan sembahyang kecuali di dalam masjid yang dibina di atas dasar taqwa kepada Allah (s.w.t). Larangan ini adalah merupakan larangan untuk selama lamanya.

Banyak pengertian taqwa menurut pandangan ahli Tafsir, namun begitu semuanya mempunyai maksud dan matlamat yang sama. Antaranya Al-Fakhr Al-Razi mengatakan bahawa Al-Hassan pernah berkata, "Taqwa adalah kamu tidak memilih ke atas Tuhan itu melainkan Allah dan kamu mengetahui bahawa segala urusan adalah di dalam kekuasaan Allah belaka." 29 Ini bermakna taqwa menurut Al-Hassan ialah pergantungan yang tulus ikhlas kepada Allah dan pengetahuan yang yakin terhadap kekuasaannya.

28 Al-Quran, Surah At-Taubah, 9:108-109.

29 Imam Al-Fakhr Al-Razi, Tafsir Al-Kabir, Juzu' 2, Al-Mabadi' Al-Bahimah Al-Misriyyah bi Midan Al-Azhar, Mesir, Lt. I, hal. 20.

Menurut Al Qurtubi, ulama berkecuali pendapat mengenai masjid yang dibangun di atas dasar laqwa. Ada golongan yang menyatakan masjid itu ialah masjid Quba.³⁰ Di dalam riwayat Ahmad, Muslim dan An Nasa'i bahawa Nabi apabila ditanya mengenai hal ini, baginda menjawab, ia adalah masjidnya di Madinah. Namun demikian, tidak salah jika ayat itu dimaksudkan kepada kedua-dua masjid tersebut, kerana kedua-duanya (Masjid Quba dan Masjid An-Nabawi) adalah diasaskan oleh Rasulullah di atas dasar laqwa.

2. Masjid Dhurat

Membicarakan tentang Masjid Dhurat, terdapat firman Allah (s.w.t) yang diturunkan kepada Nabi Muhammad ketika baginda dalam perjalanan dari Tabuk menuju ke Madinah yang berbunyi:

وَالَّذِينَ آمَنُوا مِنكُمْ وَأَمَرُوا بِالْقَوْمِ
الَّذِينَ آمَنُوا مِنكُمْ وَأَمَرُوا بِالْقَوْمِ
الَّذِينَ آمَنُوا مِنكُمْ وَأَمَرُوا بِالْقَوْمِ
الَّذِينَ آمَنُوا مِنكُمْ وَأَمَرُوا بِالْقَوْمِ

Artinya:

"Dan (di antara orang-orang munafik juga terdapat) orang-orang yang membangun masjid dengan tujuan membahayakan keselamatan orang Islam dan

³⁰ Abu Abdullah Muhammad bin Ahmad Al-Ansari Al-Qurtubi, Tafsir Al-Qurtubi, Jilid 8, Dar Al Kutub Al Arab, Qahirah, 1963, hal. 209.

menggunakan) keingharian mereka sendiri, serta memecahbelahkan perpaduan orang-orang beriman dan juga untuk dijadikan tempat istirahat bagi orang yang telah memerangi Allah dan RasulNya sebelum itu. Dan apabila tujuan mereka yang buruk itu ketara, mereka akan bersumpah dengan berkata, "Tulaklah yang kami kehendaki (dengan mendirikan masjid ini) melainkan untuk kebaikan semata-mata". Padahal Allah menyaksikan bahawa sesungguhnya mereka adalah berduka".³¹

Ayat di atas menjelaskan bagaimana usaha-usaha yang dijalankan oleh golongan munafikin untuk memecahbelahkan umat Islam. Apabila mereka melihat umat Islam bersatu padu dan bersembahyang di bawah satu bumbung iaitu masjid Quba', mereka tidak senang dengan keadaan itu. Lalu mereka membuat muslihat dengan mendirikan sebuah masjid lain dengan tujuan menabur fitnah dan memecahbelahkan perpaduan antara umat Islam serta meluaskan lagi kekufuran mereka, di samping itu mereka juga bertujuan untuk menjadikan masjid itu sebagai tempat untuk mengutip segala kegiatan umat Islam dan mencari peluang untuk memerangi mereka. Setelah pembinaan masjid ini selesai, mereka mengundang Rasulullah untuk bersembahyang di sana³² dengan harapan akan menyemarakkan lagi perpecahan yang berlaku. Mereka juga bersumpah di hadapan Rasulullah menyatakan bahawa tujuan mereka membina masjid itu ialah untuk berbuat kebaikan kepada manusia. Rasulullah yang tidak mengetahui tentang niat buruk mereka itu hampir sahaja

31 Al-Quran, Surah Al-Taubah, 9:107.

32 Ahmad Mustafa Al Mughani, Tafsir Al Mughani, Juzu' 10, Syarikat Maktabah wa Mathabah Mustafa Al-Babi Al-Halabi wa Auladuh, Mesir, 1373H, hal. 26.

menerima jemputan tersebut.³³ lalu Allah menurunkan ayat ini menjelaskan kepada baginda mengenai hal tersebut

Dari ayat tadi, jelaslah bahawa asas pembinaan masjid Dhirar itu mempunyai empat tujuan.³⁴

1. Untuk membahayakan ketenteraman orang-orang mukmin khasnya yang bersembahyang jamaah di masjid Quba yang dibina oleh Rasulullah (s.a.w)
2. Untuk mengukuhkan kekuluran mereka dengan cara mempermudah dan mencuaikan kewajipan agama, umpamanya meninggalkan sembahyang secara bersembunyi agar tidak diketahui oleh orang-orang mukmin, kerana orang-orang mukmin itu tidak lagi berkumpul dan berjumpa dalam sebuah masjid sahaja. Disamping itu mereka dapat pula bermesyuarat di dalam masjid mereka secara munafik untuk membuat tipudaya terhadap Rasulullah dan berbagai lagi maksud jahat yang mereka rancangkan.
3. Memecahbelahkan orang-orang mukmin yang dahulunya sembahyang dalam sebuah masjid sahaja iaitu masjid Quba, dengan bersatupadu dan sebulat suara di dalam menjalankan urusan mereka. Tetapi dengan terdirinya masjid Dhirar, orang-orang mukmin itu akan

³³ Syed Idrus bin Syed Mat Zin, Masjid dan Peranannya, cetakan pertama, Yayasan Dakwah Islamiyyah, Kuala Lumpur 1984, hal. 19

³⁴ Ahmad Mustaffa Al Mughani, Op. Cit. hal. 25

berpecah menjadi dua golongan yang bertentangan, yaitu sikap yang menyalahi ajaran Islam.

4. Mereka membina masjid itu untuk menunggu kedatangan orang-orang yang sejak dari dahulu lagi telah bertindak untuk memerangi agama Allah dan menentang pengajaran RasulNya yaitu Abu Amir Al-Rahib³⁵ yang telah merancang untuk menjadikan masjid itu sebagai kubu pertahanan mereka untuk melancarkan peperangan terhadap orang-orang Islam.

D. Kegiatan Masjid Di Zaman Rasulullah (s.a.w)

Di zaman Rasulullah (s.a.w) berbagai-bagai kegiatan yang dijalankan di masjid. Masjid tidak sahaja berfungsi sebagai pusat ibadah, bahkan seluruh kegiatan yang bersangkutan dengan persoalan hidup dari yang sekecil-kecilnya sampai kepada yang sebesar-besarnya, masjidlah yang menjadi markas bagi umat Islam. Di dalam perbincangan ini, penulis hanya akan menyentuh secara ringkas sahaja mengenai kegiatan-kegiatan yang dijalankan di masjid di zaman Rasulullah, khususnya masjid An-Nabawi.

1. Kegiatan Ibadat.

Melihat kepada erti masjid itu sendiri, sepertimana yang telah penulis bincangkan sebelum ini, tentu sudah membayangkan peranannya yaitu sebagai

³⁵ Beliau ialah seorang alim, ahli kitab dari kabilah Khazraj, menganut agama Nasrani, menjadi ketua kepada kumpulan munafikin yang membina masjid Dhirar di zaman Rasulullah.

tempat sujud. Rasulullah sendiri, setelah selesai penitanaan masjid Quba', terus mengerjakan sembahyang bersama-sama dengan golongan Muhajirin dan Anshar, dengan baginda sendiri menjadi imam.³⁶

Seterusnya, di masjid di lakukan ibadat sembahyang lima waktu sehari semalam, sembahyang Jumaat, sembahyang terawih di malam-malam bulan Ramadhan, sembahyang jenazah dan ibadat-ibadat lain. Masjid juga dijadikan tempat khusus untuk berdoa dan juga tempat bertitikaf.³⁷ Rasulullah (s.a.w) sering bertitikaf di masjid terutama di bulan Ramadhan.

2. Kegiatan Pengajian Dan Pendidikan.

Sebagaimana yang diketahui bahawa masjid An-Nabawi di Madinah merupakan pusat pergerakan Islam. Maka dengan itu ia tidaklah hanya sekadar sebagai tempat ibadat semata-mata, tetapi juga berfungsi sebagai madrasah serta pusat pendidikan dan pengetahuan Islam. Rasulullah (s.a.w) sendiri banyak menerima wahyu dalam kurun Madinah di masjid ini, seterusnya baginda menerangkan hukum-hukum Islam di dalamnya.

Masjid di zaman Rasulullah menjadi pusat pengajian bagi ilmu utama seperti Al-Quran dan Hadis, juga ilmu-ilmu yang lain. Ilmu-ilmu tersebut khususnya diajar kepada mereka yang bakal menjadi mubaligh dan guru Al-

³⁶ Dr. Sidi Gazalba, Masyarakat Islam, cetakan pertama, Pustaka Antara, Kuala Lumpur, 1976, hal. 140.

³⁷ Titikaf ialah mendiamkan diri dalam masjid sebentar atau lama dengan niat ibadat.

Quran, yang akan dikirimkan ke segenap penjuru Tanah Arab dan sekitarnya untuk mengajar agama Allah.

Prof. Dr. Ahmad Syalaby dalam bukunya 'Sejarah Pendidikan Islam' menyatakan:

"Sejarah pendidikan amat erat pertaliannya dengan masjid. Kerana itu apabila kita membicarakan sesuatu tempat yang dipandang sebagai tempat asasi untuk menyebarkan ilmu pengetahuan dan kebudayaan Islam, peranan masjid tidak dapat dinafikan. Lingkaran-lingkaran pelajaran telah diadakan dan keadaan ini berjalan terus sepanjang tahun dan masa dengan tidak putus-putus di seluruh negeri Islam".³⁸

Pada bahagian serambi (anjung) masjid An-Nabawi, iaitu satu bahagian yang dinamakan 'suffa',³⁹ diadakan halaqah-halaqah untuk berzikir dan bertasbih kepada Allah, yang terdiri daripada golongan ahli sunnah. Mereka menjadikan tempat itu sebagai tempat tinggal mereka.⁴⁰

3. Kegiatan Politik Dan Ketenteraan

Masalah perang juga ada hubungannya dengan masjid di mana di zaman Rasulullah dan para sahabatnya, strategi dan taktik perang direncanakan di masjid. Begitu juga dalam mengumpulkan tentera-tentera Islam bagi

³⁸ Dr. Ahmad Syalaby, Sejarah Pendidikan Islam, Prof. H. Mukhtar dan Drs. M. Sanusi Latief (Ed.), cet. pertama, Pustaka Nasional, Singapura 1976, hal. 72.

³⁹ Suffa ialah satu ruang yang terdapat di sebelah utara masjid An-Nabawi yang dindingnya terbuka.

⁴⁰ Dr. Sidi Gazalba, Masjid Pusat Ibadat Dan Kebudayaan, Cet. 3, Pustaka Antara, Jakarta: 1975, hal. 118.

menyediakan keperluan mereka, sehingga ada dinamakan masjid Jani' Askar.⁴¹

Seterusnya, bagi tentera-tentera Islam yang mendapat cedera dalam peperangan, mereka ditempatkan di perkarangan masjid. Misalnya apa yang berlaku ke atas Saad bin Mu'adh ketika beliau mendapat luka parah dalam perang Khandak, sebuah khemah telah didirikan di perkarangan masjid dan di situlah Saad meninggal.⁴²

Di samping itu, kegiatan politik juga dijalankan di masjid. Hal ini jelas di mana Rasulullah sendiri merupakan seorang tokoh politik yang ulung. Baginda menjadi imam sembahyang dan sekaligus sebagai pemimpin kepada umat Islam pada ketika itu.

4. Lain-lain Kegiatan.

Selain daripada kegiatan-kegiatan yang telah disebutkan tadi, di masjid jugalah diadakan pertemuan antara umat Islam, di mana segala bentuk urusan dibahaskan, baik yang berkaitan dengan urusan agama, urusan masyarakat bahkan urusan negara dan pemerintahan. Segala hal-hal penting atau peristiwa-peristiwa yang berlaku di sekitar kehidupan mereka diumumkan melalui saluran masjid.⁴³ Ini memudahkan kerana masjid merupakan tempat

⁴¹ Drs. Abdul Rocym, Masjid Dalam Karya Arsitektur Nasional Indonesia, Angkasa Bandung, Jakarta, 1983, hal. 19

⁴² Dr. Sidi Gazalba, Masjid Pusat Ibadat Dan Kebudayaan, Op. Cit. hal. 120.

⁴³ Ibid., hal. 118.

berkumpulnya semua golongan masyarakat dari segenap lapisan. Seterusnya segala masalah yang wujud di kalangan masyarakat umat Islam ketika itu, semuanya diajukan kepada Rasulullah di dalam masjid untuk diselesaikan oleh baginda.

Dagi orang-orang musafir dan mereka yang tidak mempunyai tempat tinggal, keluarga atau harta, masjid merupakan tempat persinggahan mereka. Di sini, kemudahan-kemudahan seperti makanan, minuman dan pakaian disediakan untuk mereka.

Demikian juga dengan kutipan zakat dan sedekah, semuanya dikumpulkan di masjid. Dari hasil-hasil kebajikan ini seterusnya dibahagikan kepada fakir miskin dan ahli-ahli suflah. Di masjid juga ditempatkan tetamu dan perwakilan asing.⁴⁴

Di samping itu, di masjid juga dilakukan upacara akad nikah, dan ia juga bertindak sebagai Mahkamah Pengadilan, di mana segala pertikaian hukum diselesaikan di sini.⁴⁵

⁴⁴ Ghazi Izzeddin Bishch, The Mosque Of The Prophet At Madinah Throughout The First Century A.H. With Special Emphasis On The Umayyad Mosque, Desertasi Phd (Doktor Falsafah), University Of Michigan, 1979, hal. 125.

⁴⁵ Syed Habibul Haq Nadwi, The Dynamic Of Islam, cet. 1, Academia, Durban, 1982. Asep Hikmat (Ed.), Dinamika Islam, cetakan pertama, Risalah Bandung, Indonesia, 1984, hal. 305.

Demikianlah seaneh sedikit secara ringkas, penulis menyentuh mengenai kegiatan-kegiatan masjid yang ada di zaman Rasulullah. Dari sini, dapatlah dibuat kesimpulan bahwa peranan yang dimainkan oleh masjid pada ketika itu amat luas dan penting, merangkumi seluruh aspek kehidupan masyarakat.